

Inuussutissarsiornermi nappaataalersartut 1. januar 2005 sioqqullugu nalunaarutigineqartut allattorsimaffiat pillugu nalunaarut

Sulinermi ajoqusernerit kingunerisassaannut isumannaarineramik inatsimmi § 10, imm. 1, nr. 1, oqaaseqatigiit pingajuat, tak. inatsimmik nalunaarut nr. 943, 16. oktober 2000-meersoq, soorluttaaq sulisilluni ajoqusernerit isumannaarisarneq pillugu inatsimmi § 85 a, imm. 2, tak. inatsimmik nalunaarut nr. 848, 7. september 2009-meersoq, 1. januar 2004 sioqqullugu ajoqusernerit, kivitsinerliornikkut tassanngaannartumik sivikinnerusumillu sunnertinnernut aamma inuussutissarsiornermi nappaataalersartunut 1. januar 2004 sioqqullugu nalunaarutigineqartunut suli atuutissaaq aamma sulisilluni ajoqusernerit kingunerisassaannut isumannaarineramik inatsisip Kalaallit Nunaanni atortuulersinneqarneranik peqqussummi nr. 273, 24. april 2000-meersumi § 11, imm. 1, nr. 1, oqaaseqatigiit pingajuat naapertorlugu, soorluttaaq peqqussut nr. 991, 9. oktober 2008-meersumi § 79, imm. 5 naapertorlugu 1. januar 2009 sioqqullugu ajoqusernerit, kivitsinerliornikkut tassanngaannartumik sivikinnerusumillu sunnertinnernut suli atuutissaaq aamma inuussutissarsiornermi nappaataalersartut 1. januar 2009 sioqqullugu nalunaarutigineqartut pillugit makku aalajangersarneqarput:

§ 1. Nappaat inuussutissarsiornermi nappaataalersutut akuerineqarsinnaassappat, tak. inatsimmi § 10, imm. 1, nr. 1, aalajangersakkat nalinginnaasut makku naammassineqassapput:

- 1) Ajoqusiisinnaasunit sunnertinnerup nappaatillu sakkortussusiat qaqugukkullu pinerat sunnertinnerup nappaatillu ataqatigiinnerat pillugu uppersaatinut naapertuutissapput.
- 2) Nappaatip suussusia sunnertinnerup nappaatillu suussisiisa ataqatigiinnerat pillugu uppersaatinut naapertuutissapput.
- 3) Nappaat sulinerinnaangitsumit pissutsinilli allanit pissuteqarneruneranik ilimanarsititsisumik paasissutissiisoqassanngilaq, tak. sulinermi ajoqusernerit kingunerisassaannut isumannaarineramik inatsimmi § 11, imm. 1.

Imm. 2. Pissutaasut sulinermit tunngaveqanngitsut nappaammut pissutaasorineqarpata pissutaasut allannguuteqarsinnaanerit najoqqutaralugu nappaat inuussutissarsiornermit nappaataalersutut akuerineqassaaq, tak. inatsimmi § 12, imm. 2. Taarsiinissap nalilernerani inuussutissarsiornermit sunniut napparsimalissutaasoq kisimi taarsiineramik kinguneqassaaq, tak. inatsimmi § 26.

Imm. 3. Aammattaaq immikkut piunasaqaatit allattuiffimmi immikkoortuni ataasiakaani taaneqartut naammassineqassapput.

§ 2. Nalunaarut manna atuutilerpoq 1. juli 2012 ullormiillu tassannga nappaat 1. januar 2005 sioqqullugu nalunaarutigineqartoq inuussutissarsiornermit nappaataalersutut akuerineqarsinnaanera pillugu aalajangiinermi aamma inatsimmi § 24 malillugu suliap suliareqalernerani malinneqassaaq.

Imm. 2. Taamaalilluni inuussutissarsiornermi nappaataalersartut 1. januar 2005 sioqqullugu nalunaarutigineqartut allattorsimaffiat pillugu nalunaarut nr. 1317, 23. november 2010-meersoq atorunnaarsinneqarpoq.

Imm. 3. Nalunaarut manna aalajangikkanut nalunaarutip matuma atuutilinnginnerani Arbejdsskadestyrelsimit aalajangerneqartunut Ankestyrelsimullu suliassanngortinneqartunut taamatuttaaq atuutissaaq. Taannali atuutissanngilaq akuerinninnissamut maannamut piunasaqaatit nalunaarutikkut sakkortusisinneqarsimappata.

Arbejdsskadestyrelsen, ulloq 26. juni 2012

ANNE LIND MADSEN

/ Merete Roos